

Maman!

IDEIS PE LETURE



Progjet promovût di 'Il Friuli' e 'ARLeF'

ZÛCS

Cerclje in vert la glesie di Sant Valantin a Udin, ta cheste fotografie dal 1903 di vie Praclûs.

Antoine De Saint-Exupéry, "Il Piçul Princip", golaine "Logo", Nota edizioni, 2018.

LIS AVENTURIS DI VIGJI E LUMI




CJÂR DIARI,

vuê Daria si è cjatade cuntune sô amie che no vevi mai viodude prime, che mi pâr che e vedi non Samanta. A son che a fevelin, a fevelin, a fevelin... L'argoment di

vuê: Peggy. Di ce che o sint, Peggy e je la gjatute di Samanta. A disin che no àn mai viodude une gjate cussì biele. Ce?! Mai viodût un gjat cussì biel?!? E jo cui soio?! Jo che o passi oris e oris a fâmi biel par Daria. A disin che Peggy e à il pêl plui fof e lustru che a vedin mai viodût. Ce robe?! E il gno pêl **sflandorôs** e fis, che o lechi e o neti di matine fin sere? A disin ancje che Peggy e je la gjatute plui ninine e dolce dal marimont! Ma ancje jo, o soi ninin e dolç! Vonde, no lis scolti plui! Cumò e je colade par tiere une sô fotografie: le ai cjalade ben e o scuën ameti che... a vevin reson: e je une maravee! Maman, il to Vigji



Tant par ridi



Ce pensistu di Sant Valantin?
Jo o pensi che al sedi miôr il Sant Denêl!



LU SAVEVISO CHE...?



■ La clâf e je il simbul dal benvolê di Sant Valantin viers i fruts. Cuant che il Sant al jere in preson, al à mandât un colomp cuntune clâf picjade tal cuel par che i fruts a rivassin a jentrâ intal zardin là che a levin simpri a zuiâ.

Maman! al cambie orari: fin vinars ai 29 di Març al larà in onde ogni

telefriuli



vinars aes 5.00 sot sere

Pagine curade di Daria Miani e dal Sportel Regionâl pe Lenghe Furlane de ARLeF

ARLeF
AGENZIE REGIONÂL PE LENGHE FURLANE